

Deo opt. max. uni & trino, Virgini Deiparæ, & sancto Lucae Orthodoxorum Medicorum Patrono.

(1684) May 1384

Q U Æ S T I O M E D I C A,

Cardinalitiis Disputationibus manè discutienda in Scholis Medicorum die Jovis 22. Martii 1685.

M. JOANNE HAMON, Doctore Medico, Præside.

An ut reliqui potus, sic & aquæ modus aliquis esse debet?

HOMO simul natus eget. Egestatis ratio, corpus varium & mutabile. Mutationem affert perpetuum effluviū. Refarcitur cibo & potu. Utrumque recens nato lac præstat. Idstomachō exceptum & subactum transit in naturam sanguinis, nullā similitudine relicta. Dissimilitudinem facit ⁱⁿ ventriculi, quod integrum pulchre agit, vitiosum inquinat & prima morborum labe evadit. Homo grandior, & solidiori cibo & potu distincto indigere voluit, quamvis lac satis fuisset usui & salubritati. Cibus sine arte apparatus, & solius calore solis excoctus, fructus. Potus obviū & *ἐμπύκτος*, aqua. Utroque usi primi homines. Ex quo cepit genus humanum expoliri, cepit & voluptatis artes invadere. Hinc intemperantia solertia, & gulæ delicatioris studio, potus sibi comparare jucundiores, omnium bonitatem utilitate metientes. Ex vite vinum expresserunt, liquorem omnium optimum, aquo habent, ut non sitientes bibant. Desideratā vite, portionem è frugibus, fructibus, herbis, radicibus, melle, & saccharo antiquis haud ignoto, sibi fecerunt, *ζυμωτον* & velut quādam putredine adornantes. Cerevisia, pomatium, hydromel potiorum a vino excellentissimā. Ad has omnes impellit & gustus voluptas, & gratior totius corporis affectio, cujus utriusque auctor, spiritus fervens, qui ab iis educitur.

BIBENDI necessitas, quandoque major, quandoque minor, pro majori aut minori corporis jactu, quam aer, exercitatio, animi motus solet afferre. Ideo potioris *μετρεον*, *ἀλυστοις*. Hæc quodammodo circumscribitur consideratā *ιδιότητι* vivendi ratione, quibus ex usu & commoditate, æque competens est, vini heminam per diem homini sufficere, ad renovandum vigorem, ac, quod excedit, esse consuetudinis aut voluptatis, non necessitatis. Vinum minori copia, alii liquores majori, prout recedunt, vini dignitate, inebriant. Ebrietas à spiritu abundantiā, & vaporum caput occupantium. Inde à ratione defectio, oculorum collachrymatio, & corporis titubatio, inertia, & in somnum horum malorum medelam, propensio. *Επιψυχα* herbæ Thé, Sinarum & Japonum delicia; confectus potus è fabâ Caffè Asiaticorum suavium; dulcicula mistura Chocolate colliquefacta in portione, Mexicanorum volupus, licet præsentem aut imminuentem ebrietatem arceant, cum modo tamen debent hauriri; ne, si secus fiat, hilaritatem & molestiæ oblivionem adducentes, quod semper præstant; unā dormiendi impotentiam afferant, quod non raro in iis qui frequentius, & fere semper in iis qui insolentius utuntur, faciunt.

AQUA rei omnis viventis potus, omnia per omnia connutrit. Non est corpus simplex sed, compositum. Destillata & iterum destillata in laminas abit tenues: ferrum ^{pro}edit: è cupro æruginem accipit: adeo ut sal acidum illi inesse confitendum sit. Ligneæ vasa, aeri impervia, permeans, aera vici tenuitate. In nullo non fere corpore compareret, in erutis tamen nulla est, nisi admodum paucis. Hinc chymicæ opinionis inanitas, quæ fert, etiam ex auro aquam elici. Ex eā plantæ quæ *χυροσπορίαι* nutriuntur, crescunt & conrescunt, nec non & pinguescunt pisces. In terrâ macrâ & velut mortuâ, si modo aqua affundatur pura, salix legitimam acquirit molem, manente terrâ eodem fere pondere. Menta in aqueo vasculo & radices agit & folia profundit. Qui ludit in aquâ piscis usque perseverat nullo aliunde subministrato alimento. Pinnis consistit tantum, vesiculâ aere plenâ, quam muscoli modo ardeant, modo dilatant, deorsum tendit, aut sursum evehitur, caudâ celeri, ut remo, motum promovente & accelerante. Aquatili pecori spiritus ab aquâ. Hæc mutationis capax varias sustinet formas & figuras, virtute caloris innati qui à totius compage non distinguitur.

UTILITAS aquæ, ut dissolvat cibum, qui fluidior secedit per angustos vasorum tubulos, ut iners alimentum acceleret, spissum solvat, acre obtundat, salsum mitiget, ut serosam colluviem transvehat per renes, qui tamen nimio labore flaccescunt. Ut enim aqua ulque fluens saxa reddit levia, sic largius pota, levitatem affert partibus. Quemadmodum aqua bona vel mala, factus est loci salubris aut insalubris, sic aqua optima, ad usum mensuram, sanitatem, vitiosa etsi pauca, morbos, parit. Bibulas glandulas subiens, scirrhum, febrim quartanam, hydropis omne genus, diarrhoeam, dysenteriam, meiendi difficultatem, calculum, bronchocele, intestini prolapsus, tabem producit, vitiatum sanguine, & partibus contaminatis. Debet esse limpida, levis, suavis, dotes, quibus locupletatur à motu suo æquabili, & solis illustri virtute. Non omnino bona, quæ per arenas erumpit, arenarum quippe sal sibi adjungit meliorem aquæ partem. Pluvialis spiritu & sale fæta, satis potius quam animantibus commoda. Aquæ beneficium, gustum à præjudicatâ opinione integrum servat, firmat viscera, humores continet, & si quæ fuligo prospectum eripiat oculis, illic dissipat. Quinetiam prodest glacie algida ad amovendos graviores morbos, ut comprobatur in Indiâ, Hispaniâ, Provinciâ, quia vetat falsi serri conceptum calorem.

UT ergo vini, cerevisiæ, pomatii, hydromelitos, & reliqui potus certâ est mensura, sic & aquæ. Vinum senum spes, merentium solatium, pauperum divitiæ, *ἀπρηγίτων* occupatio, intemperantius viuentium Deus, minori mole sufficeret, si non prohiberet hominum intemperies. Una vini hemina, duabus circiter heminis cerevisiæ æquatur. Liquores spiritus pleni, hausti liberalius, mala accersunt bene multa, maxime renum impedimenta & articulorum. Aquæ mensuram corporis indoles definit. Satisfaciendum pro sensu, qui tamen non ita fidendum quin dijudicet ratio, ne à fallaci sensu, error. In bilem & succum melancholicum decedens aqua nimia, sitientem biliosum & melancholicum offendit, labefactato stomacho, & liene aucto. Ascite laboranti & aquam avidè expectenti, guttule aliquot sunt concedendæ, quia fugitivum solatium auctâ morbi causâ, urgenteque suffocationis periculo, celeris penitentia licet fera & plerumque inutilis sequitur. Aqua commorans *πλημμυρῶν* facit, quæ diluens succum dissolvendo cibo destinatum, ventriculum inermem & impotentem facit. Eadem si absque morâ exiliat, humiditatem corpori utilem prædatur, siccat corpus, calorem augeat, sitim *ἐπιπικρύνει* non sedat. Hinc illa *φιλανθρωπία* *ἐστίν*. Ideo morborum acutorum vis elevatur non aquâ multâ, sed potu *ἀπὸ χλοῆς*, ex hordeo, tritico, myrto, punico, vino *εὐδαίμων* si caput vacet dolore, *ἀνιδάμων* si aliqua sit offensio, aquâ tantum identidem permixtâ.

Ergo ut reliqui potus, sic & aquæ modus aliquis esse debet.

Proponebat NICOLAUS BRUNEL DE LA CARLIERE, Lexoviensis Baccalaureus Medicus. A. R. S. H. 1685.

